

■ TRIBUNA POLITICA

Gea a la refurma da taglia – er ord optica dal Grischun

DA MARTIN SCHMID,
CUSSEGLIER DALS CHANTUNS

Il project da votaziun davart la refurma da taglia sin las interpresas è da recumandar er ord optica dal chantun Grischun. Pertge? A prima vista pudess ins crair che noss chantun disponia da mo paucas societads spezialas che profitan d'ina taxaziun privilegiada e che nus na sajan uschia betg pertutgads essenzialmain da questa revisiun.

Il chantun Grischun è dentant pervi da ses auts custs d'infrastructura in grond profitader da las contribuziuns da la gulivaziun da finanzas. Questas contribuziuns vegnan pajadas cunzunt d'intgins paucs chantuns. Quels chantuns ston dentant pudair restar competitivs en cumparegliaziun internaziunala. Quai n'è dentant betg pussaivel senza in gea da la populaziun pertutgada tar questa revisiun da la lescha da taglia.

Gist pervi da ses grond success na vegnan



nossas reglas da taglia per societads ed interpresas betg pli renconuschidas internaziunalmain. Ina mida da da noss sistem da taglia è perquai indispensabla sin fundament dal squitsch ord l'exteriur. Quai era sch'i dat in na a l'urna per la refurma da taglia sin plaun federal.

Cun la refurma da taglia actuala procurain nus che la Svizra resta vinavant in lieu attractiv per interpresas pitschnas e mesaunas.

En l'avegnir vegnan tut las interpresas taxadas fiscalmain tuttina. La reglas

specificas modificadas per interpresas engaschadas sin plaun internaziunala vegnan stgassadas. Per che las interpresas pertutgadas restian en Svizra e pajan vinavant taglia en Svizra dovri questa refurma da taglia.

Ella dat als chantuns – pia er al chantun Grischun – ils instruments ed ils mieds finansials necessaris che lubeschian da crear in clima adequat per che las grevezzas da taglia na sappian betg crescer enorma-main d'ina perioda a l'otra. Senza questa refurma da taglia exista il privel che summas da milliardas van a perder.

Quests daners vegnissan a mancar a la confederaziun, als chantuns e la finala er a las vischnancas. Sin tuts trais stgalims statals fissi necessari d'introducir programs da spargn che tangassan nus tuts. Per che quai na capetia betg s'engasch jau gist era sco cusseglier dals chantuns dal Grischun per l'approvaziun da la refurma da taglia.